



COMUNU DE SÌNNIA

TZITADI METROPOLITANA DE CASTEDDU

PARCO DELLE RIMEMBRANZE - 09048 - SÌNNIA (CA)

Setori Politzia Munitzipali e Protetzioni Tzivili

Ordinàntzia Sindacali

n. 2 de su 19/01/2021

OGETU: ORDINÀNTZIA CONTINGÌBILI E APRETADA PO S'AMPARU DE SA SALUDI PÙBLICA - ATRAS MEDIDAS APITZU DE PREBÈNNIDA E GESTIONI DE S'EMERGÈNTZIA EPIDEMIOLOGICA COVID 19

SU SÌNDIGU

PREMÌTIU CHI

- s'Organizatzioni Mundiali de sa Sanidadi, giai in sa dii de su 30 de gennàrgiu 2020 at decrarau s'epidemia de COVID-19 una emergèntzia de sanidadi pùblica de mannesa internatzionali e chi in sa dii de su 11 de martzu 2020 at apariciu sa genia sua de pandemia;
- cun deliberatzioni de su Cunsillu de is Ministrus de su 31.01.2020 est stètiu decrarau su stadu de emergèntzia in su territòriu natzionali chi pertocat a su perìgulu sanitariu alliongiu cun sa lòmpida de patologias ocasionadas de agentis viralis trasmitibilis;
- su Cunsillu de is Ministrus in sa setziada de su 13 de gennàrgiu 2021 at deliberau e perlongau su stadu de emergèntzia chi pertocat a su perìgulu sanitariu alliongiu a sa lòmpida de patologias ocasionadas de agentis viralis trasmitibilis finsas a su 30 de abrili 2021 e aprovau su Decretu Lei n° 02-2021 publicau in sa Gazeta Ufitziali de su 14 de gennàrgiu 2021 chi narat "Atras disposiduras apretadas apitzu de s'impiticamentu e sa prebènnida de s'emergèntzia epidemiològica de Covid-19 e de cumpridura de is eletzionis po s'annu 2021";

BIUS:

- su decretu lei 23 de friàrgiu 2020, n. 6, chi narat "Medidas apretadas apitzus de impiticamentu e gestioni de s'emergèntzia epidemiològica de COVID-19", furriau, cun mudàntzias, de sa lei 5 de martzu 2020, n. 13, apustis bogau de su decretu-lei n. 19 de su 2020 aforas de s'art. 3, comma 6-bis, e de s'art. 4;
- su decretu lei 25 de martzu 2020, n. 19, furriau, cun mudàntzias de sa lei 22 de maju 2020, n. 35, chi narat "Medidas apretadas po infrentai s'emergèntzia epidemiològica de COVID-19" e in manera particolari is artìculus 1 e 2, comma 1;
- su decretu lei 16 de maju 2020, n. 33, furriau, cun mudàntzias, de sa lei 14 de mes'e argiolas 2020, n. 74, chi narat "Atras medidas apretadas po infrentai s'emergèntzia

epidemiològica de COVID-19”;

– su decretu lei 30 de mes’e argiolas 2020, n. 83, furriau, cun mudàntzias, de sa lei 25 de cabudanni 2020, n. 124, chi narat “Medidas apretadas alliongiadas cun sa scadèssida de sa decraratzioni de emergèntzia epidemiològica de COVID-19 deliberada su 31 de gennàrgiu 2020;

– su decretu lei 2 de mes’e idas 2020, n. 158 chi narat “Disposiduras apretadas po infrentai is perìgulus sanitàrius alliongiaus cun sa spratzinadura de su virus COVID-19”

– su DPCM 7 de austu 2020 - Atras disposiduras cumpridoras de su decretu-lei 25 de martzu 2020 n. 19, chi narat medidas apretadas po infrentai s’emergèntzia epidemiològica de COVID-19, e de su decretu-lei 16 de maju 2020, n. 33, chi narat atras medidas apretadas po infrentai s’emergèntzia epidemiològica de COVID-19;

– su DPCM 7 de cabudanni 2020 - Atras disposiduras cumpridoras de su decretu lei 25 de martzu 2020, n. 19, chi narant medidas apretadas po infrentai s’emergèntzia epidemiològica de COVID-19, e de su decretu-lei 16 de maju 2020, n. 33, chi narat atras medidas apretadas po infrentai s’emergèntzia epidemiològica de COVID-19;

– su decretu lei 7 de mes’e ladàmini 2020, n. 125, chi narat “Medidas apretadas alliongiadas cun su perlongu de sa decraratzioni de su stadu de emergèntzia epidemiològica de COVID-19 e po sa sighidura operativa de su sistema de allerta COVID, cumenti puru po sa cumpridura de sa diretiva (UE) 2020/739 de su 3 de làmpadas 2020”;

– su DPCM 13 de mes’e ladàmini 2020 - Atras disposiduras cumpridoras de su decretu-lei 25 de martzu 2020, n. 19, furriau, cun mudàntzias, de sa lei 25 de maju 2020, n. 35, chi narat “Medidas apretadas po infrentai s’emergèntzia epidemiològica de COVID-19” e de su decretu-lei 16 de maju 2020, n. 33, furriau, cun mudàntzias, de sa lei 14 de mes’e argiolas 2020, n. 74, chi narat “Atras medidas apretadas po infrentai s’emergèntzia epidemiològica de COVID-19”

– su DPCM 18 de mes’e ladàmini 2020, chi narat “Atras disposiduras cumpridoras de su decretu-lei 25 de martzu 2020, n. 19, furriau, cun mudàntzias, de sa lei 22 de maju 2020, n. 35, chi narat “Medidas apretadas po infrentai s’emergèntzia epidemiològica de COVID-19” e de su decretu lei 16 de maju 2020 n. 33, furriau, cun mudàntzias, de sa lei 14 de mes’e argiolas 2020, n. 74, chi narat “Atras medidas apretadas po infrentai s’emergèntzia epidemiològica de COVID-19;

– su DPCM de su 24 de mes’e ladàmini 2020 “Atras disposiduras cumpridoras de su decretu-lei 25 de martzu 2020, n. 19, furriau, cun mudàntzias, de sa lei 25 de maju 2020, n. 35, chi narat “Medidas apretadas po infrentai s’emergèntzia epidemiològica de COVID-19”, e de su decretu-lei 16 de maju 2020, n. 33, furriau, cun mudàntzias, de sa lei 14 de mes’e argiolas 2020, n. 74, chi narat “Atras medidas apretadas po infrentai s’emergèntzia epidemiològica de COVID-19;

– su DPCM de su 3 de donniasanti 2020, chi narat “Atras disposiduras cumpridoras de su decretu-lei 25 de martzu 2020, n. 19, furriau, cun mudàntzias, de sa lei 25 de maju 2020, n. 35, chi narat “Medidas apretadas po infrentai s’emergèntzia epidemiològica de COVID-19”, e de su decretu-lei 16 de maju 2020, n. 33, furriau, cun mudàntzias, de sa lei 14 de mes’e argiolas 2020, n. 74, chi narat “Atras medidas apretadas po infrentai s’emergèntzia epidemiològica de COVID-19”;

– su DPCM de su 3 de mes’e idas 2020 chi narat “Atras disposiduras cumpridoras de su decretu-lei 25 de martzu 2020, n. 19, furriau, cun mudàntzias, de sa lei 25 de maju 2020, n. 35, chi narat “Medidas apretadas po infrentai s’emergèntzia epidemiològica de COVID-19”, e de su decretu lei 16 de maju 2020, n. 33, furriau, cun mudàntzias, de sa lei 14 de mes’e argiolas 2020 n. 74, chi narat “Atras medidas apretadas po infrentai s’emergèntzia epidemiològica de COVID-19”

BIU in ùrtimu su DPCM de su 14 de gennàrgiu 2021 chi narat “Atras disposiduras cumpridoras de su decretu-lei 25 de martzu 2020, n. 19, furriau, cun mudàntzias, de sa

lei 22 de maju 2020, n. 35, chi narat “Medidas apretadas po infrentai s’emergèntzi epidemiològica de COVID-19”, de su decretu-lei 16 de maju 2020, n. 33, furriau, cun mudàntzias, de sa lei 14 de mes’e argiolas 2020 n. 74, chi narat “Atras medidas apretadas po infrentai s’emergèntzia epidemiològica de COVID-19”, e de su decretu-lei 14 de gennàrgiu 2021 n. 2, chi narat “Atras disposiduras apretadas apitzu de s’impiticamentu e prebènnida de s’emergèntzia epidemiològica de COVID-19 e de cumpridura de is eletzionis po s’annu 2021”;

ARREGORDAUS in prus is verbalis nn. 119 e 121 de is setziadas, rispetivamente, de su 18 e 24 de mes’e ladàmini 2020 de su Cumitau tènnicu scientìficu de s’ordinàntzia de su Cabu de su Dipartimentu de sa Protetzioni Civili 3 de friàrgiu 2020, n. 630, e mudàntzias e integratzionis sighidoras;

PIGAU ÀUTU chi su nùmeru de positivus a su COVID-19 averiguaus in su territòriu de Sìnnia, castiendi is datus frunius de sa ATS de Casteddu, bessit sempri aguali e no si bint acontèssius de amelloramentu;

AVERIGUAU chi in sa dii de su 05 de mes’e idas 2020 fiat stètia arricia s’Ordinàntzia Sindacali n° 63 cun sa cali, castiendi su nùmeru de is apestamentus in su territòriu comunali de Sìnnia fiant stètias impreadas “**ATRAS MEDIDAS APITZUS DE PREBÈNNIDA E GESTIONI DE S’EMERGÈNTZIA EPIDEMIOLOGICA DE COVID-19**” e chi custa e totu sprigaiat is efetus cosa sua finsas a sa dii de su 06 de gennàrgiu 2021;

CUNSIDERADA netzessària, castiendi sa sighidura de su nùmeru mannu de apestamentus in su territòriu comunali, pompiai vigentis is medidas chi fiant stètias pigadas cun s’Ordinàntzia Sindacali n° 63 de su 05 de mes’e idas 2020, castiendi su caminu temporali de balidesa de custus ùrtimus provedimentus Guvernativus numenaus, D.L 02/2021 e D.P.C.M. 14 de gennàrgiu 2021, medidas chi tenint sa tarea de impitica s’apestamentu;

CUNSIDERAU chi is DPCM de custus mesis ponint cumentì tarea de sentidu generali straviai a sa cumpridura de amuntonamentus de genti, e prus in generali, straviai calisisiat acontèssiu de apestamentu possibili chi no siat alliongiu a apretus specifìcus o a unu stadu de netzessidadi;

CUNSIDERADA, intzaras, sa netzessidadi de arregordai sa atenzioni pùblica bia a s’arrespetu pibincosu de is disposiduras arregordadas innoi apitzu, cumentì puru amparai sa tzitadinàntzia de su Comunu de Sìnnia;

CUNSIDERAU chi aturant is cunditziunis chi ant cumandau is medidas postas in is ordinàntzias nn° 57 e 63/2020 po cussu chi pertocat a s’acontèssiu de amuntonamentus de picocus adenoti, minoris e majoris, me is pratzas de bidda e apresu de is spratzinadoris automàticus de buffòngius e papòngius, fatu chi, in prus de rapresentai una violadura de is disposiduras po s’impiticamentu de su perìgulu covid, cracant puru apitzu de s’allega de s’òrdini pùblicu;

ABETAU chi su D.P.C.M. 14 de gennàrgiu 2021, in s’art. 1 comma 10, lit. gg) at previdiu chi *“aturat sempri permitia s’arresturatzioni cun entrega a domu arrespetendi is normas igiènicu-sanitàrias siat pos’atividadi de cunfetzionamentu e siat de tragu, cumentì puru finsas a is oraas 22:00 sa arresturatzioni de pigai a domu, cun proibimentu de papai e bufai ingunis o a presu; po cussus chi faint cumentì atividadi prevalentì una de cussas arreconnotas cun is còdixis ATECO 56.3 e 47.25 sa pigadura a domu est permitia sceti finsas a is oras 18:00”*

CUNSIDERAU chi, po cussu chi eus arregordau innoi apitzus, si depint apariciai inziativas fatas po straviai is acorradas chi funt acontèssius in custus spratzinadoris automàticus numenaus, aundi totus podint inrai e chene nisciuna manera de scrucullu, abetada s’ausèntzia de unu gestori o de personali incarrigau de su scrucullu, castiendi puru is inditaduras cumandadas in s’ùrtimu D.P.C.M. chi pertocat a is atividadis de pigai a domu (*chistionendi de bar e atrus simbillantis chene coxina o atividafis de cumèrciu a*

ditallu de bufòngiu in logus spetzializaus);

BIU s'art. 32 de sa lei 833/1978 chi entregat a su Sìndigu, cumenti autoritadi sanitària, cumpetèntzia in su sìtiu de afilladura de is provedimentus a amparu de sa saludi pùblica;

BIU s'art. 50, comma 5, de su D. Lgs. 18/08/2000 n. 267 e ss.mm.ii., chi legìtimat a su Sìndigu, cumenti rapresentanti de sa comunidadi locali, de impreai ordinàntzias contingìbilis e apretadas in acontèssius de emergèntzias sanitàrias o de igiene pùblica de genia locali;

Po totu cussu arregordau in sa premissa chi innoi si bolit amostai cumenti parti integranti e de fundòriu de custu Provedimentu

CUMANDAT

cunforma a is prescritzionis noas spratzinadas de s'ùrtimu DPCM de su 14 de gennàrgiu de su 2021 chi pertocat a s'impiticamentu de s'emergèntzia noa Covid-19, cun sa tarea de impitica, po cussu chi est possìbili, acorradas e atrus acontèssiu de perìgulu de apestamentu, cumintzendi de sa dii de martis 19 de gennàrgiu de su 2021 e finsas a su 05 de martzu de su 2021, aforas de unu perlongu craru ocasionau de sa spratzinadura de atrus provedimentus gubernativus apitzus de "medidas apitzus de prebèndia e gestioni de s'emergèntzia epidemiològica de COVID-19":

- proibimentu de intrada a pratzas, parcus pùblicos e privaus e giardinus obertus a sa genti apustis de is 20,00 oras e finsas a is oras 05 de sa dii apustis. Po eventualis abisòngius amostaus, s'intrada s'at a podi permiti finsas a is 21,00 oras cun su permissu furmali de su Comune;
- su proibimentu de aturai, apustis de is 20,00 oras e finsas a is 05 de mengianu de sa dii a pustis, me is Pratzas chi funt logu de passàgiu po intrai a domus e servìtzius pùblicos, butegas e atrus logus;
- in su petantis de is missas de interru, est permissu a intrai a campusantu sceti a cussus de domu e finsas a unu màssimu de 15 personas, cun impreu obligatòriu de totus is dispositivus de amparu de is bias arrespiratòrias e pompiendi sempri stesiaduras intre is personas de a su mancu unu metru;
- s'afitianadura de is mercaus de bixinau a s'inforas de su martis e de sa cenàbara depit acontèssiu cun s'arrespetu prenu po parti de is operadoris imbordigaus e de is borrochianus insoru de su stesiamentu intre issus in seguresa, de su proibimentu de si acorrai e de s'impreu de is dispositivus de amparu individuali. S'aturada me is logus de su mercau depit èssiri sceti de su tempus arrechèdiu po comporai is cosas e bia;
- su proibimentu prenu de acorrada in dònna ora de sa dii me is logus obertus a sa genti cumenti, po esèmpriu e bia, pratzas, giardinus, litoralis e prajas, àreas acanta de is esercìtzius de spratzinadura de bufòngiu e papòngiu;
- su cumandu sighiu de portai sempri segus is dispositivus de amparu de si bias arrespiratòrias e de ddus ponni de manera currìgia, tupendi nasu e buca;
- su cumandu de serrai a is oras 18,00 finsas a is oras 05,00, po totus is diis de sa cida, de is aici naraus spratzinadoris automàticus h24, chi spratzinant bufòngius e papòngiu imboddicaus, aforas de cussus chi funt aintru de is struturas pùblicas e privadas, sceti si tèngiant intrada escludora a sa strutura aundi funt postus e no tèngiant intradas autònomas e deretas in s'arruga pùblica; no funt cunsideraus is spratzinadoris automàticus de is potecarias e de is parapotecarias e is spratzinadoris h24 sceti po sa bèndida de cosas parafarmacèuticas e/o de igiene personali cumenti puru cussus chi no donant buffòngiu e papòngiu imboddicaus.

DISPONIT

chi s'ighendi cussu prevèdiu de s'art. 8 comma 3, de sa Lei n. 241 de su 7 de austu 1990 e ss.mm.ii., poita su nùmeru mannu meda de is arricidoris iat a fai diaderus grai sa comunicatzioni personali de custu provedimentu, s'at a depi donai una comunicatzioni manna atruessu de comunicaus po s'imprenta, publicatzionis in su giassu internet istituzionali e atras maneras de publitzidadi cunsideradas profetosas.

AVERTIT

chi apustis de su D.L. 25 de martzu 2020 n. 19, e ss.mm.ii. a cussus chi violant custu provedimetu, sempri chi su fatu no fessat puru unu reatu, at a benni donada sa sanzioni aministativa de dinai de € 400 finsas a € 1000 cumentis puru, si nci iant a èssiri is arresonis, is atras sanzionis prevèdias de sa normativa vigenti.

ENTREGAT

A su Cumandu de Politzia Locali de Sìnnia e a totus is Fortzas de s'Òrdini su càstiu de cumpridura de custu provedimentu.

INFORMAT

Cuntra de custu provedimentu est amètiu, de atra manera, aintru de 30 diis recursu a su Predetu de Casteddu, aintru de 60 diis recursu a su Tribunali Aministrativu Regionali de Sardìnnia e aintru de 120 diis, recursu straordinàriu a su Presidenti de sa Repùblica. Is treminis inditaus innoi asuba cumintzant de sa dii de sa publicatzioni in s'Albu Pretòriu de su Comunu de Sìnnia.

DISPONIT

chi còpia de custu provedimentu bèngiat publicada in su giassu web de su Comunu de Sìnnia cun sa tarea de ndi donai sa spratzinadura màssima e imbiada a:

- Sin. Predetto de Casteddu;
- Cumandu Statzioni Carabineris de Sìnnia;
- A su Cumandu Politzia Locali sedi;
- A s'ATS Sardìnnia - Dipartimentu de prebèndia Sud Sardìnnia

SU SÌNDIGU
Tarcisio Anedda
firmau de manera digitali